

13. gr.

173

Skýlt er manni að láta af hendi land sitt og landsafnot í þarfir vatnsveitunnar, svo og mannvirki, og þola þær eignakvaðir, óhagræði og takmörkun á afnotarétti, sem vatnsveitan kann að hafa í för með sér, enda komi fullar bætur fyrir samkvæmt mati, ef ekki næst samkomulag þar um.

15. okt.

14. gr.

Á tímabilinu frá 15. september til 1. nóvember, meðan slátrun stendur yfir, er stranglega bannaður allur þvottur á bilum með rennandi vatni frá vatnsveitunni.

15. gr.

Brot gegn reglugerð þessari varða sektum, allt að kr. 500.00, nema þyngri refsing liggi við að lögum. Sektarfé rennur í vatnsveitusjóð. Valdi nokkur skemmdum á veitukerfinu, skal hann bæta það eftir mati tveggja óvilhallra manna. Með mál út af brotum á reglugerð þessari skal farið að hætti opinberra mála.

Reglugerð þessi, sem samin er og samþykkt af hreppsnefnd Hvammshrepps, staðfestist hér með samkvæmt vatnalögum nr. 15 20. júní 1923, sbr. lög nr. 93 5. júní 1947, um aðstoð til vatnsveitna, til að öðlast gildi þegar í stað, og birtist til eftirbreytni öllum þeim, sem hlut eiga að máli.

Jafnframt er úr gildi felld reglugerð fyrir vatnsveitu Víkurkaupþúns nr. 80 18. nóvember 1922.

Félagsmálaráðuneytið, 15. október 1959.

F. h. r.

Hjálmar Vilhjálmsson.

Hallgrímur Dalberg.

174

31. okt.

AUGLÝSING

um umferð í Reykjavík.

Samkvæmt ákvörðun bæjarstjórnar Reykjavíkur hafa bifreiðastöður verið bannaðar í Suðurgötu, beggja vegna götunnar, frá Vonarstræti að Kirkjugarðsstíg.

Þetta tilkynnist öllum, sem hlut eiga að máli.

Lögreglustjórinn í Reykjavík, 31. október 1959.

Sigurjón Sigurðsson.

175 Staðfesting forsetans á skipulagsskrá fyrir Minningarsjóð Magnúsar Gunnars-sonar frá Utanverðunesi, útgefin á venjulegan hátt að mandatum af dómsmálaráðherra 2. nóvember 1959.

Skipulagsskráin er þannig:

SKIPULAGSSKRÁ fyrir minningarsjóð Magnúsar Gunnarssonar.

1. gr.

Sjóðurinn heitir Minningarsjóður Magnúsar Gunnarssonar frá Utanverðunesi.

2. gr.

Sjóðurinn er stofnaður af Sigurbjörgu Gunnarsdóttur frá Utanverðunesi til minningar um bróður hennar Magnús hreppstjóra Gunnarsson, er andaðist 11. júlí 1955. Stofnfé sjóðsins er 40 000 krónur.

3. gr.

Tilgangur sjóðsins er að styrkja og hlynna að hinu nýja héraðssjúkrahúsi Skagfirðinga, sem nú er verið að byggja á Sauðárkróki, og skal hlutverki sjóðsins hagað eins og fyrir er mælt í skipulagsskránni.

4. gr.

Stofnfé sjóðsins skiptist að jöfnu í tvær deildir, A og B, að upphæð 20 þúsund krónur hvor. Skál fé deildanna ávaxtað og varið eins og fyrir er mælt í eftirfarandi greinum.

5. gr.

A-deild: Stofnfé hennar má aldrei skerða, en $\frac{2}{3}$ hlutum vaxta höfuðstólsins skal varið til að styrkja ræktun hvers konar gróðurs á sjúkrahúslóðinni, sem verða má til gagns eða prýðis, eins og ráðlegt þykir, að þar til fengnum tillögum sjúkrahússtjórnar og að dómi sjóðstjórnarinnar. $\frac{1}{3}$ hluti vaxtanna skal árlega lagður við höfuðstólinn.

6. gr.

B-deild: Þá er stjórn héraðssjúkrahússins óskar má verja $\frac{3}{4}$ hlutum af innistæðufé deildarinnar til kaupa á ljóslækningatækjum handa sjúkrahúsinu. Afgang fjárlins skal vaxta áfram og verja innistæðunni, eins og hún er á hverjum tíma, til viðhalds og endurbóta á ljóslækningatækjum, þannig að jafnan verði eftir nokkuð fé til áframhaldandi styrkveitinga í þessu skyni. Milli þess sem styrkir eru veittir úr B-deild, skulu allir vextir af innistæðufé deildarinnar lagðir árlega við höfuðstólinn.

7. gr.

Ekki skal veita styrki úr sjóðnum fyr en byggingu sjúkrahússins er lokið, og lóð þess hefur verið afmörkuð. Þangað til þessu er lokið skulu allir vextir beggja deilda árlega lagðir við höfuðstól þeirra.

8. gr.

Stjórn sjóðsins skipa 3 menn: 1) sýslumaðurinn í Skagafjarðarsýslu, 2) héraðslæknirinn á Sauðárkróki og 3) sýslunefndarmaður Rípurhrepps. Sýslumaður er formaður sjóðstjórnar, en að öðru skiptir sjóðstjórnin með sér verkum.

9. gr.

175

Sjóðurinn eflist með vöxtum, frjálsum framlögum, minningargjöfum og áheitu, og á hvern annan hátt, sem stjórn hans þykir henta.

10. gr.

Stjórn sjóðsins sér um ávöxtun fjár hans og úthlutar styrkjum úr honum, samkvæmt þeim reglum, sem getið er hér að framan. Gæta skal þess að fé sjóðsins sé vandlega tryggt.

Stjórnin heldur fundi í marzmánuði ár hvert og oftast er þurfa þykir. Skal hún færa fundargerðir í sérstaka bók ásamt ársreikningum beggja deilda sjóðsins, en sjóðir þeirra og reikningshald skal jafnan vera aðskilið.

Öll stjórnin undirritar fundargerðir og reikninga.

11. gr.

Ársreikningar sjóðsins ásamt fylgiskjölum skulu jafnan sendir sýslunefnd Skagafjarðarsýslu til yfirlits og endurskoðunar.

12. gr.

Skipulagsskrá þessa má endurskoða á 10 ára fresti, ef sjóðstjórninni þykir þess þörf. Breyta má þá ákvæðum 5. gr. um árlega úthlutun vaxta, svo og ákvæðum hennar á þá leið að fé A-deildar verði varið til annarrar styrktarstarfsemi sjúkrahúsins til nota, að þar til fengnum tillögum sjúkrahússtjórnar.

Þó má aldrei víkja frá tilgangi sjóðsins, (sjá 3. gr.).

13. gr.

Leita skal staðfestingar forseta Íslands á skipulagsskrá þessari, og skal hún birt í B-deild Stjórnartíðinda.

Hróarsdal, 10. janúar 1959.

Sigurbjörg Gunnarsdóttir.

REGLUGERÐ

176

fyrir vatnsveitu Hellissands.

5. nóv.

1. gr.

Hreppsnefnd hefur einkaleyfi til reksturs vatnsveitu og sölu vatns á því svæði, er vatnsveitan nær yfir og hún getur fullnægt.

2. gr.

Hreppsnefnd hefur þegar lagt stofnæðar um þorpið, samkvæmt staðfestum skipulagsuppdætti, en notendur annast lagningu æða þaðan að húsum á eigin kostnað.

3. gr.

Hreppsnefnd hefur yfirumsjón með vatnsveitukerfi hreppsins, en heimilt er henni að ráða umsjónarmann og innheimtumann, er hafi á hendi eftirlit með vatnsveitukerfinu og innheimtu á gjöldum, samkvæmt erindisbréfi, er hreppsnefndin setur honum. Hreppsnefnd og umsjónarmanni vatnsveitunnar er heimilt að fara